



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 49243345

თარიღი:29/11/2024

არასამეწარმეო (არაკომერციული) იურიდიული პირის „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“-ს მიერ 2024 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“-ს ანგარიში 2024 წლის I-II კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის `ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“-ს ანგარიში 2024 წლის I-II კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“-ს მიერ 2024 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი



ანგარიში

არასამეწარმეო (არაკომერციული) იურიდიული პირის „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“-ს მიერ 2024 წლის I-II კვარტალში გაწეული მუშაობის შესახებ

ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“ ფუნქციონირებს 2024 წლის 14 მარტიდან. სამსახურის საშტატო განრიგი განისაზღვრება 123 თანამშრომლით. მათ შორის ადმინისტრაცია -17 შტატით, გარე-განათების მართვის სერვისი - 17 შტატით, გამწვანება-განაშენიანების მართვის სერვისი 74 შტატით და წყალარინების სისტემისა და სანიაღვრე არხების მოვლა-პატრონობის სერვისი - 15 შტატით.

2024 წლის 1 ივლისისთვის დასაქმებულია 118 თანამშრომელი, მ/შორის ქალი -7, კაცი - 111.

ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი“ მომსახურებას უწევს მუნიციპალიტეტის განსაზღვრული ტერიტორიებისა და დასახლებების გამწვანება-განაშენიანებას, იცავს ხე-ნარგავებს მოხეტიალე პირუტყვისაგან. ახორციელებს მუნიციპალურ საკუთრებაში მოქცეული კომუნალური და კეთილმოწყობითი კომუნიკაციების მართვა-მოწესრიგებას, ცივი ტბის და მისგან მომდინარე არხების მოვლა-პატრონობას, სანიაღვრე არხების, გარე განათების, დეკორატიული განათების სრულფასოვანი ფუნქციონირების უზრუნველყოფასა და სხვადასხვა კეთილმოწყობით სამუშაოს.

2024 წლის მარტი, აპრილი, მაისი, ივნისის თვეების განმავლობაში ა(ა)იპ „წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრის“ მიერ შესრულებულია შემდეგი სახის სამუშაოები: წყალტუბოს

მუნიციპალიტეტის გამგეობის წერილისა და შესაბამისი კომისიების დასკვნების საფუძველზე მუნიციპალიტეტის ტერიტორიაზე მოიჭრა გამხმარი, ფაუტიანი და ავარიული ხეები. კოპიტნარის დასახლებაში დაქირავებული ამწე-კრანისა და ამწე-კალათის საშუალებით გადაიბელა ალვის ჯიშის ხეები, ასევე დაქირავებული ამწე-კრანისა და ამწე-კალათის საშუალებით მოიჭრა ხეები ქალაქში ორ ლოკაციაზე და სოფელ ჟონეთის სასაფლაოზე, ხოლო მიღებული სამუშაო მერქანი მერიიდან შემოსული წერილების საფუძველზე შესაბამისი მიღება-ჩაბარების აქტით გადაეცათ სოციალურად დაუცველ ოჯახებს. ბენზოცელების, სათიბი ტრაქტორებისა და ბალახის სათიბი მანქანების საშუალებით სისტემატურად იცელებოდა სანატორიუმ სავანის, რკინიგზის სადგურის, ცენტრალური პარკისა და ქალაქის ქუჩების მიმდებარე გაზონები და სკვერები.

კირის ხსნართი შეიღება

ტაბიძის, რუსთაველის, სულხან საბას, ჭავჭავაძის ქუჩებზე, სპორტული დარბაზის და ცენტრალურ პარკში ფანტანების მიმდებარე ტერიტორიაზე არსებული ხე-მცენარეები.

სოფელ გვიშტიბში მეორე მსოფლიო ომში დაღუპულთა ძმათა სასაფლაოზე კირის ხსნარით შეიღება მემორიალი, ბეტონის კედლები და ბორდიურები.

პერიოდულად იწმინდებოდა სანიაღვრე არხები ქალაქის ქუჩებისა და ცენტრალური პარკის ტერიტორიაზე. ივნისის თვეში გადაუღებელი წვიმების დროს ჩვენმა სამსახურმა ოპერატიულად მოახდინა სანიაღვრე არხების ცხაურების გაწმენდა, რამაც საშუალება მისცა მოვარდნილ ნაკადს მეტი გადინების საშუალება ჰქონოდა, რის შედეგადაც ქალაქის რიგი ტერიტორიები დატბორვას გადაურჩა. ქალაქისა და ცენტრალური პარკის ტერიტორიაზე არსებულ მცენარეებს, კერძოდ ჯუჯა ნაძვებს, კავკასიურ სოჭს, ტუია სმარაგდას, გართხმულ ღვიას, ბზებს, ოქროსფერ და ვერცხლისფერ კვიპაროსებს ჩაუტარდათ შეწამვლა და ფესვთა სისტემების გამოკვება შესაბამისი სასუქებითა და სტიმულატორებით.

ქალაქისა და ცენტრალური პარკის ტერიტორიაზე დაირგო სხვადასხვა ჯიშის ნერგები და ყვავილები

ქალაქის მთელ ტერიტორიაზე შეტანილი იქნა სასუქი და შემოიბარა ხე-ნარგავები და დეკორატიული მცენარეები.

პარკის მთელ ტერიტორიაზე ახალ ხე-ნარგავებს შეეცვალა ბიჯგები და შეიკრა ბაწრის საშუალებით ქალაქის

ტერიტორიაზე ყოველდღიურად ხორციელდებოდა შემოვლითი სამუშაოები მოხეტიალე პირუტყვის აღკვეთის მიზნით.

ქალაქის ტერიტორიაზე, სოფელ მაღლაკში და სოფელ ფარცხანაყანევში გრეიდერის საშუალებით ჩატარდა გზის პროფილების აღდგენითი სამუშაოები. სხვადასხვა სახის სამუშაოები განხორციელდა ბულდოზერის საშუალებით სოფელ ჩუნეშის, სოფელ გუმბრის, სოფელ ხომულის, სოფელ ბანოჯის, სოფელ გუბისწყლის, სოფელ გვიშტიბის, სოფელ ფარცხანაყანევის, სოფელ სოფელ მაღლაკისა და ქალაქის ტერიტორიებზე ჭავჭავაძის, პუშკინის, კეცხოველი, წითლანაძის, ტაბიძისა და ბესიკის ქუჩებზე.

მუნიციპალიტეტის ტერიტორიაზე არსებული გარე განათების ქსელში განხორციელდა შემდეგი სახის სამუშაოები: კერძოდ, ქალაქის ტერიტორიაზე კეცხოველის, ევდომვილის, ფარნავაზ მეფის, მესხისა და დუმბაძის ქუჩებში შეიცვალა ლამპიონები. 9 აპრილისა და ტაბიძის ქუჩებში ახლებით შეიცვალა 100 ვატიანი სანათები. ცენტრალური პარკისა და რუსთაველისა ქუჩაზე შეიცვალა არსებული დაზიანებული დროსელზე მომუშავე სოდიუმის 150 ვატიანი ნათურები.

ქალაქის ტერიტორიაზე შეიცვალა დაზიანებული გარე განათების ბოძები, ელექტრო სადენები და კრონშტეინები. მკვებავ კარადებში შეიცვალა დაზიანებული ელექტრო მოწყობილობები (ელექტრო ამომრთველები, იგნიტორები, ელექტრომაგნიტური გამშვებები და ფოტორელეები).

სოფლებში (გუმბრა, ბანოჯა, ხომული, გუმბრინი, ცხუნკური, ყუმისთავი, ქვილიშორი, წყალტუბო, გუბისწყალი, ქვილიშორი, ცხუნკური, ჩუნეში) შეიცვალა დაზიანებული ეკოლამპიონები და ეკონათურები. შეიცვალა, ასევე, კარადები, ელექტრო სადენები და ელექტრო მოწყობილობები.

სოფლებში (მუხიანი, საყულია, ოფშკვითი) აბსოლუტურად ყველა ჩიხში ახლებით შეიცვალა ეკოლამპიონები.

სოფლებში (მალლაკი, ფარცხანაყანევი, ქვიტირი, გეგუთი, ბროწეულა, პატრიკეთი, მესხეთი) შეიცვალა დაზიანებული ეკო ლამპიონები, ნათურები, ელექტრო სადენები და ელექტრო მოწყობილობები.

სოფლებში (გუმათი, ოფურჩხეთი, ჟონეთი, ნამოხვანი, რიონი, სორმონი, ზარათი, მოლეკურა, მექვენა, დერჩი, დღნორისა, ჭაშლეთი, ლეხინდრისთავი, საჩხეურა) შეიცვალა დაზიანებული ეკოლამპიონები და ეკონათურები. შეიცვალა, ასევე, კარადები, ელექტრო სადენები და ელექტრო მოწყობილობები.

სოფელ ქვიტირში ქუთაისი-ბათუმის დამაკავშირებელ ცენტრალურ ტრასაზე შეიცვალა დაზიანებული სოდიუმის ნათურები, იგნიტორები და დროსელები. კარადებში შეიცვალა დაზიანებული ელექტრო ამომრთველები, ელექტრომაგნიტური გამშვებები და ფოტორელები. დაქირავებული ავტო-კრანის საშუალებით შესწორდა წამოქცეული გარე განათების ბოძები.

ქუთაისი-წყალტუბოს დამაკავშირებელ ცენტრალურ ტრასაზე შეიცვალა დაზიანებული ელექტრო ლამპიონები და ჩიპ ნათურები. მკვებავ კარადებში შეიცვალა დაზიანებული ელექტრო მოწყობილობები (ელექტრო ამომრთველები, იგნიტორები, ელექტრომაგნიტური გამშვებები და ფოტორელები).

ა(ა)იპ “წყალტუბოს მუნიციპალიტეტის გამწვანების, გარე განათებისა და კეთილმოწყობის ცენტრი”-ს 2024 წლის 2 კვარტლის მისაღები სუბსიდია გეგმით განისაზღვრა 884708 ლარი, დაზუსტებული 884708 ლარი, მიღებული არის 610228 ლარი. ხარჯები გეგმით განისაზღვრა 1018908 ლარი, დაზუსტებული 1018908 ლარი, გახარჯული არის 642378 ლარი.